



佛說末羅王經

無

宋居士沮渠京聲譯

聞如是一時佛在舍衛國祇樹給孤獨園與千二百五十比丘俱時有國王号曰末羅土地豐沃士民壯勇其國中有方石周旋數十里當於王道群臣共議啓王徙石王便料選國內凡得九億人令掘徙石乃歷年月士民疲極不能動石佛念人民愚癡空自勤苦而石不移即呼阿難與汝俱往如彈指頃便到其國佛時作沙門被服住在石邊謂人民言用何故掘徙此石禮無應者如是至三人民悉言我掘此石勤苦經年卿何等人反來問我各自委去佛即時笑以足指拋石手受之跳置空中復以手受住之於地佛便放光明現相好九億人見佛威神莫不震聳皆叩頭言吾等愚癡不別真偽將何神天佛言我是佛也人民問言佛用何等力能舉此石答言我有四力何等為四一為精進力二為忍辱力三為布施力四為父

末羅王經 第二張 無字号

母力何等為精進力謂不殺盜婬欺廣陳經法開道人物未曾懈怠是為精進力何等為忍辱力敢有殘害毀辱加惡於我我心如地無所不愛是為忍辱力何等為布施力謂以國土珍寶妻子頭眼悉以施人意無恨悔是為布施力何等為父母力謂受父母身體哺乳育養之恩或徙地積珍寶上至二十八天悉以施人不如供養父母是為父母力人民復問言盡復有何等力佛言復有四力何等為四謂生老病死是為四力復問言佛當常住於世不佛言我亦當般泥洹人民言佛乃神聖相好金色當世希有猶尚般泥洹何況我曹王及臣民九億人同時意解七受五戒十善歸命三尊結解垢除即得須陀洹道阿難政衣服為佛作禮白言是王及與九億人皆有何功德今聞經即得解疾佛言乃昔俱留秦佛時王及國中九億人同時立志或受五戒十善者或持齋者或然燈者或燒香散華者或誦誦經者或聽經者今故來會聞經

即解諸比丘歡喜前為佛作禮

佛說末羅王經

末羅經 第三張 佛說

佛說末羅王經
校勘記

- 一 底本，金藏廣勝寺本。
- 一 三二〇頁中八行末字「士」，南、徑、清作「人」。
- 一 三二〇頁中一〇行第一三字「汝」，資、磧、南、徑、清無。
- 一 三二〇頁中一行末字「被」，磧作「彼」。
- 一 三二〇頁中一二行第三字「在」，資、磧、普、南、徑、清作「於」。
- 一 三二〇頁中一三行第三字「禮」，資、磧、南、徑、清、麗作「初」。
- 一 三二〇頁中一三行第一三字「志」，資、南、徑、清、麗作「志」。
- 一 三二〇頁中一六行第五字「跏」，資、磧、普、南、徑、清作「挑」；麗作「擲」。
- 一 三二〇頁中一七行第二字「地」，磧、南作「他」。
- 一 三二〇頁中一八行第七字「聳」，
- 一 三二〇頁中二一行「有四力」，資、磧、普、南、徑、清作「以四力舉此石」。
- 一 三二〇頁下二行第六字「道」，資、磧、南、徑、清、麗作「導」。
- 一 三二〇頁下一八行第二字「政」，磧、南作「正」；徑、清作「整」。
- 一 三二〇頁下二〇行第八字「秦」，資、磧、普、南、徑、清作「先」。